

Wárágà Pólò dré tisìle Tĩmòtéyò dré dhi ni rì

Wárágà kònìdhi ni tà àndu ngìle drìdrì dhi

Kònìdhi wárágà Pólò dré tisìle Tĩmòtéyò dré dhi ni rì 'i. Wárágà kònìdhi léna dhi, Pólò adré Tĩmòtéyò, áyi àzíàmú ro dhi ni timbà akódhi ni tà ka'ika'í na. Adré akódhi ni kodzó, kògòró adrélé Rúbí Tani longó, adrézó Gìká ni tà tadhá, adrézó àzí bhàle í drígá dhi ni 'o kítswálé tíí (2:2; 4:2, 5). Adré kpà tàá dhi, Tĩmòtéyò kàdré kizà ka'í nyàle ngóró sòdá dóro Yésu Krísto àdhya tíni (1:8; 2:3; 4:5).

Pólò adré Tĩmòtéyò ni bí se, kàdréro áyi líkí kúlí tàko ìndì tíí tàko kí tà sè, ìndì káyí azaaza adrèbhá mómí kí drì kizá dhi kí tà sè (2:14-18; 2:23; 4:4). Kàdré di be tròle Gìká ni Kúlí rú, ìndì Gìká ni tà tadhále gyägya dhi í rú (1:13; 2:15; 3:14-17; 4:2).

Kùdù ro dhi, Pólò adré tàá dhi, Tĩmòtéyò kàdré tà í dré nòle Pólò rú dhi kí lebè: tà dré tadhále dhi í, akódhi ni atsimá, akódhi ni tà ka'ika'í, akódhi ni togó vwàvwà, akódhi ni lèle, akódhi ni togó tsìma, tsàle kizà dré nyàle dhi í (1:13; 3:10-11).

Tà kàdrìkàdrì wárágà kònìdhi léna dhi kí atìma

- 1) Pólò ni mòdo fèma (1:1-2)
- 2) Tĩmòtéyò ni kodzoma àzí bhàle akódhi drígá dhi ni 'o dhi (1:3-2:13)
- 3) Tĩmòtéyò ni drì tàma (2:14-4:5)

4) Tà nòlè Pólò rú dhi ì (4:6-18)

5) Mòdo kùdù (4:19-22)

Pólò ni mòdo fëma

¹ Ma, Pólò, Yésu Krísto ni àpóstolò, má adré wárágà kònìdhi ni tisì ma. Gìká bhà ma adrélé àpóstolò ro ngóro í dré lèlè dhi tíni, má kàdréro lídrì dré lazilé Yésu Krísto na dhi ni tà longó móndí ì dré be dhi bvó.

² Má adré tisíá mi, Tímòtéyo, áma mvá má dré lèlè tò dhi dré. Gìká àma kì Atá ì àma kì Mírì Yésu Krísto be dhi ì kòbhà àyi kì togó tani mí rú, ì kòbhà ámi kizà, ìndì ì kòfè tà kìdrìkìdrì mí dré!

Pólò kodzó Tímòtéyo àzì bhàlè akódhi dríga dhi ni 'o togó wáyi sè

³ Má adré àwoyà ta Gìká dré ámi tà sè. Gìká nda Gìká má dré adrézó tà ni ni 'o togó lólo sè ngóro áma tábhí ì dré tá 'òlè dhi tíni dhi 'i. Má dré adrérà'a tà zi akódhi tí dhi 'á dhi, má adré ámi tà kisù kítú be ìndì ngátsi be landè àko ró.

⁴ Má kàdré ámi mǐndra ni tà kisù dhi, ma lovó ìbe tò ámi nòzo, áma togó kògaró arí sè bí be dhi bvó.

⁵ Má nǐ tàlè dhi, mí adré Gìká ni ka'ì togó wáyi sè dhi be, ngóro ámi dedé Lówísì dré tá ka'ìlè drìdrì dhi tíni, ìndì ámi andre Yùnikè dré kpà ka'ìlè dhi tíni. Má adré ka'íá dhi, mi kpà mína tà ka'íka'í làsú be àyikya tíni dhi ìbe mí léna.

⁶ Tà nda sè dhi, má adré ámi kodzó, mí kògòro tà Gìká dré bhàlè mí léna àyi togó tani sè, má dré dríga bhàrà'a mí dri dhi 'á dhi ni 'o atsálé àtsi ró.

7 Tàko ko, Tìrì Gìká dré bhàle àma léna dhi adré àma ki togó 'o adréle tiri ró ko. Be ró dhi, Tìrì nda adré ína àma ki togó 'o gàle rinyí sè bí ìndì lèle sè bí. Adré kpà àma ki 'o adréle tà 'o tògyá sè.

8 Adré di lèá dhi, mí kàdré kanyò ro àma ki Mírì ni tà longoma sè ko. Mí kàdré kpà kanyò ro ma, akódhi ni móndí 'ìle bãdzó lé dhi ni tà sè ko. Be ró dhi, mí kàdré mína kizà ka'ì nyàle tùmání má be Rúbì Tani ni tà sè, rinyí Gìká dré adréle fèle dhi sè.

9 Gìká nda tidrí àma, àma ki azizó adréle mónnyá lólo ína i ró dhi ni. 'O tá tà nda kònìni tà dóro mà dré 'òle dhi i sè ko. Be ró dhi, 'o tá kònìni ngóró í dré kisùle 'òle kínó lésè áyi togó tani sè dhi tìni. Bvò ni bhàma kandrá dhi, kisù tá áyi togó tani tadhále àma dré Yésu Krísto na.

10 Di nyànomvá dhi, tadhá áyi togó tani nda àma dré Yésu Krísto àma ki tidrílépi dhi ni atsama sè dre. Akódhi nda 'o dràdrà ni rinyí akílé gò, láti adrézó lídrì kóná vésè kólyá dhi ni kisú ásà dhi ni tadházó ngádra 'á Rúbì Tani sè.

11 Rúbì Tani nda ni tà sè dhi, Gìká bhà ma adréle áyi tà longólépi ró, àpóstolò ro, ìndì áyi tà tadhálepi ró.

12 Tà nda sè dhi, má adré kizà nya kòdhi tìni. Di, ma mána kanyò àko, má dré nìle má ka'ì àdhi 'i ya dhi be dhi sè. Má adré kpà ka'íá dhi, akódhi nda rinyí íbe kitswázó tà í dré bhàle má drígá

dhi ni likí tsàle kítú tàbvó tàzo dhi tú.*

¹³ Mí kàdré tà má dré tadhálé gyágya mí dré yìle dhi ki lebè kòdhya, adrézó tròle ámi tà ka'ika'í rú, ìndì lèle Yésu Krísto na dhi rú.

¹⁴ Mí kàdré tà dóro bhàle mí drígá dhi ni likí, Tírí Lólo adrélépi adrélé mí léna dhi ni rinyí sè.

¹⁵ Ngóro mí dré nìle be dhi tìni dhi, móndyá ka'ibhá títí angábhá bvò Asíyà àdhya lésè dhi ì tayí ma adrélé kalóma. Ayi nda ì kòfalé dhi, Fígélò ì Eremògèné be.

¹⁶ Di, Mírì kòtadhá áyi togó dóro móndyá títí Onèsifórò ni dzó na dhi ì dré, dré áma togó tindrìle rá dhi sè, ìndì dré tá adrélé kanyò ro áma nyìrì ki tà sè ko dhi sè.

¹⁷ Lókyá akódhi nda dré atsázó Rómà 'a dhi sè dhi, ndà tá ma lovó sè gò áma kisúzó.

¹⁸ Di Mírì kòtadhá áyi togó dóro akódhi dré kítú tàbvó tàzo dhi tú. Mí nì akódhi ndà tá láti áma ledézó má dré tá adrérà'a Èfésò na dhi 'á ngini ya dhi be.

2

Sòdá dóro Yésu Krísto àdhya

¹ Di áma mvá, mí kàdré rinyi ró Gíká ni togó tani bhàle mí rú Yésu Krísto na dhi sè.

² Tà mí dré yìle má tí móndí bí dhi ì kandrá dhi ì, mí kàdré tà nda ki tadhá tayílé móndí mí dré kitswálé ka'ile dhi ì dré, àyi nda ì kòkitswáró kpà tà nda ki tadhá móndí àruka ì dré be dhi bvó.

* **1:12 1:12** A kitswá kpà kúlí tisìle Gírìkí ti sè kòni ki ladzá kònini: «...akódhi nda rinyí íbe kitswázó tà má dré bhàle í drígá dhi ni likí tsàle kítú tàbvó tàzo dhi tú.»

³ Mí kàdré kizà ka'ì nyàle tùmání má be, ngóro sòdá dóro Yésu Krísto àdhya t́nì.

⁴ Dhya adrélépi sòdá àzì 'o dhi adré ína m̀ bhe tà bvò kòndi àdhya i dri ko, í kòkitswá ró áyi kàdrì áyi bhàlepi àzì nda mi dhi nì togó 'o kinílé be dhi bvó.

⁵ Kòdhi íbe dhi, dhya adrélépi angú ra dhi kitswá ína làgí kisú ko, kàdré angú nda nì ra ngóro angú nì tòlì dré adrélé tàle dhi t́nì ko dhi.

⁶ Adré kpà làá dhi, dhya áyi fèlepi amvú 'a dhi kòkisú r̀ z̀yà lànyá lokólé dr̀dr̀ dhi nì.

⁷ Lè mí kàdré tà má dré adrélé tàle kòdhi k̀ kisù dóro gò, Mírì kòferó mí dré tógyá tà nda k̀ àndu ǹzo tíí.

⁸ Mí kàdré Yésu Krísto angálépi Dàwídì nì sùrú lésè, ngàlepi kpà dràdrà 'àsè dhi nì tà kisù kòdhya, ngóro Rúbì Tanì má dré adrélé longólé dhi dré adrélé tàle dhi t́nì.

⁹ Rúbì Tanì nda nì tà sè dhi, má adré kizà nya, tsàle byá áma 'írà'a nỳr̀r̀ sè dr̀kònzì líyí t́nì dhi 'á. D̀, à kitswá G̀kà nì kúlí 'i nỳr̀r̀ sè bwà ko.

¹⁰ Àsà dhi, má adré tà tíí dhi k̀ mvo mónnyá G̀kà dré z̀lè dhi k̀ tà sè, ì kòkisúró kpà lídr̀ kóná vésè kólyá dhi m̀lanzìlanz̀ be Yésu Krísto na be dhi bvó.

¹¹ Kúlí kòni i, kúlí kitswá lé ka'íle dhi 'i:

Mà kòdrà tùmání Yésu be dhi,
mà nì kókpà adré lídr̀ íbe tùmání akódhi be.

¹² Mà kàdré togó tsi kizà na dhi,
mà nì kókpà òpì nya tùmání akódhi be.

Mà kògà akódhi dhi,
akódhi nì kókpà àma k̀ ga.

13 Mà kàdré mómí kitswábhá adrélé ka'ile dhi 'i ko dhi,
akódhi ngbú dhya kitswálépi adrélé ka'ile togó wáyi sè dhi 'i,
tako ko, akódhi kitswá ína áyi tàndi ni ga ko.

Giká ni àzì 'òlepi dré kitswálé ka'ile dhi

14 Lè mí kàdré tà nda kòdhi ki 'o agalé mómnyá ka'ibhá dhi i léna. Mí kàdré kpà áyi ki kodzó Giká kandrà, ì kàdréro tà kayí áyi kòfalésè kúlí ki tà dri ko. Tà kayikayi làsú be kònini dhi kitswá tà dóro 'o àlomvá ko. Be ró dhi, adré ína mómnyá adrébhá tà nda ki yi dhi ki drì kizá.

15 Mí kàdré tà títi dhi ki 'o kitswázó ámi fe Giká dré ngóro mómí dré kitswálé ka'ile dhi ró. Mí kàdré kpà akódhi ni àzì 'o kanyò àko, adrézó akódhi ni kúlí tà bàti àdhya ni tadhá gyágya.

16 Mí kàdré kúlí tako adrébhá lindri fe Giká dré ko dhi ki ga. Tako ko, mómnyá adrébhá kúlí ta kònini dhi ì adré àyikya vwàle Giká ni tà rúsè vwàvwà.

17 Ayi ki tà tadhálé dhi ì adré mómí ki 'o kónzi, ngóro làzì dré adrélé atsílé rúbhá nya dhi tíni. Ayi nda ì kòfalé dhi, Ìmènýò ì Fílétò be.

18 Ayi nda ì ku láti tà bàti àdhya 'àsè dre. Ì adré tàá dhi, ngangà dràdrà 'àsè dhi ni tà lavú dre. Ì adré di mómí àruka ki tà ka'ika'i kizá àsà.

19 Tagba kònini dhi, dzópá Giká dré bhále dhi adré ína áyi totó tātā. A tisì kúlí kòni ì dzópá nda rú kòdhya: «Mírì nǐ mómnyá adrébhá ína ró dhi ì be,»* ìndì «Lè mómnyá títi adrébhá tàá dhi, áyi mómí Mírì àdhya 'i dhi, ì kòtayí tà kónzi 'òma.»

* 2:19 2:19 A kònò Ngá nàma 16:5.

²⁰ Dzó kàdrì dhi léna dhi, ngá ledélé óró sè ìndì àrezá sè dhi ì be, túmání ngá ledélé fa sè ìndì kìnì sè dhi ìbe. Ngá ledélé óró sè ìndì àrezá sè nda ì ngá adrézó tà 'o ásà lindrì sè dhi 'i. Ngá àruka nda ì kó ngá adrézó tà 'o ásà lindrì àko dhi 'i.

²¹ Dhya àngùdhi àyi temvélépi tàkonzì tíí ì lésè dhi ìni adré ngá adrézó tà 'o ásà lindrì sè dhi 'i. Akódhi nda fè ì adrélé lólo Mírì dré kítswázó tà dóro 'o í sè. Akódhi gánzi ró tà dóro tíí dhi kì 'o.

²² Lè mí kàdré lapálé lovó kònzì kàdhúra kya ì sílésè. Mí kàdré láti nda adrézó tà gyägya 'o, adrézó Gìká ìni ka'ì togó wäyi sè, adrézó àmi lèlè tadhá, adrézó tà kèdrìkèdrì bha móndí ì kòfalé. Mí kàdré tà nda kì 'o túmání móndyá tíí adrébhá liyílé Mírì rú togó lólo sè dhi ìbe.

²³ Mí kàdré káyi azaaza ró ìndì tògyá àko dhi kì ga. Tàko ko, mí ìni tàlè dhi, tà nda ì adré móndí kì 'o lawàlè àyi kòfalésè dhi be.

²⁴ Adré làá dhi, màràbà Mírì àdhya kàdré lawàlè móndí ìbe ko. Be ró dhi, kàdré ìna àyi togó dóro tadhá móndyá tíí ì véna. Kòni adrélé tà tadhá dóro dhi be. Kàdré kpà tà mvo togó vwàvwà sè.

²⁵ Kàdré móndyá adrébhá ligílé í rú dhi kì lotó togó yàya sè. Adhi ìni ìni, Gìká ìni láti fe àyi dré àyi kì togó ladzázó gò, tà bàti ìno dhi.

²⁶ Ì kò'o kòni ìni dhi, ì ìni go tà ìni kisùlè dóro gò, ì dré lapázó bã Dzáborò dré tapélé àyi dré dhi sílésè. Àngyá ko, akódhi nda ru tà àyi, àyi kì 'òzo tà í dré lèlè ì kò'o dhi kì 'o.

Tà lókyá kùdù àdhyà i

¹ Lè mí kònǐ tà kònìdhi dóro: Lókyá kùdù sè dhi, tà kòkóròko lavulé dhi kǐ dra atsá.

² Tàko ko, móndí kǐ adré àyi kǐ tàndi kǐ le kòdhyà. Ɔ ni adré làfa lovó bha, adrézó àyi kǐ afà, adrélé drìkàdrì ro. Ɔ ni adré Gìká ni lodhá, adrézó ligílé àyi kǐ tibhá i rú, adrézó àwoyà ni tàle ko, adrézó tà lólo ató àyi pálé.

³ Ɔ ni adré lèle àko, adrézó móndí kǐ tàkonzì tri ko, adrézó móndí kǐ rú ta kònzi. Ɔ kitswá àyi kǐ tàndi kǐ lovó mvo ko, adrézó tà 'o kà'wá àtrá kya tíni, adrézó tà dóro ga.

⁴ Ɔ ni adré móndí kǐ lefè kàribhá i drígá, adrézó tà 'o swà ro, adrézó àyi kǐ tà bha kuru, adrézó àyi kǐ tàndi kǐ lovó le Gìká ni lavú.

⁵ Ɔ ni su ngóro móndí adrébhá tròle Gìká ni tà rú dhi i tíni. Di, i ni àyikya Gìká ni rinyí gàgà. Mí kàdré di ru su móndyá làsú be kònìni dhi íbe ko.

⁶ Ayi nda kǐ àruka i adré tifílé dzó i 'àsè túrúpfú sè, adrélé tòkó kitswálé litílé mbèlè dhi kǐ lití. Tàko ko, tòkó nda i ga àyikya tàkonzì sè bí gò, i dré adrézó tatsílé lovó kònzi twátwa dhi kǐ 'obe.

⁷ Ɔ adré ngbú tà nda nìle, di, i kitswá àyikya tà bàti ni ka'ìle bwà ko.

⁸ Móndyá nda i adré ligílé tà bàti rú, ngóro Yánè i Yàmberè be dhi i dré tá ligílé Mósè rú dhi tíni.* Ayi kǐ tà kisùkisù abíabí gò, àyi kǐ tà ka'ìka'ì dré atsázó tà tàko ró.

⁹ Di, i kitswá àyikya gòle lèle drìdrì ko. Tàko ko, à ni àyi kǐ azaaza no ngádra 'á, ngóro Yánè

* **3:8 3:8** «Yánè i Yàmberè be» kòni i rú Yúdà ànzi i dré tá fèle Ezépètò ni kódzógó i dré dhi 'i. A kònò Pfòma 7:11, 22.

kya Yàmbéré be dhi tîni.

Timòtéyò ni drì tàma

¹⁰ Di, mi ró dhi, mí lebè mína ma, tà má dré tadhálé dhi ki nîzo dóro dre. Mí ni kpà áma atsimá, tà má dré lèle 'òle dhi, áma tà ka'ika'î, áma togó vwàvwà, áma lèle, áma togó tsìma,

¹¹ áma mî pfòma, ìndì kizà títi má dré nyàle dhi i be. Mí ni kpà tà atsábhá má rú gò áma mî pfòzo Atiyòkiyà na, Ikòníyò na, ìndì Lìsìtrà na dhi i be. Di, Mírì apá ína ma tà títi nda i lésè.†

¹² Tà bàti ró dhi, à ni móndyá títi adrèbhá lèà tròle Gìká ni tà rú Yésu Krísto na dhi ki mî pfo.

¹³ Di, móndyá kònzi adrèbhá móndí ki lití dhi ki adrè vélé tàkonzì 'o lizo ába drìdrì. Ì ni adrè móndí ki lití, adrézó kpà àyi ki tayí adrélé litilé.

¹⁴ Di, mi ró dhi, mí kàdré mína tròle tà mí dré yìle gò ka'izoá bàti dhi i rú. Tàko ko, mí nî, mí yi tá tà nda i àdhibhá i tí ya dhi be.

¹⁵ Kòdhi íbe dhi, kídhóle ámi anzì lésè dhi, mí nî Gìká ni Kúlí lólo dhi dóro. Kúlí nda ni kitswá tògyá fe mí dré adrízó ásà, mí dré Yésu Krísto ni ka'ile dhi sè.

¹⁶ Tàko ko, tà títi tisìle Gìká ni Kúlí na dhi i apfò akòdhi ni tàndi sílésè. Tà tisìle nda i dóro adrézó móndí ki tadhá, adrézó àyi ki tàkonzì tadhá àyi dré, adrézó àyi ki lotó, adrézó àyi ki kodzó adrélé atsílè tà gyàgya na,

¹⁷ móndyá Gìká àdhya i kòkitswáró títi, adrélé kpà gànzi ró tà dóro títi dhi ki 'o.

† 3:11 3:11 A kònò Tà 'òle dhi i 13; 14.

4

¹ Má adré ámi kodzó Gíká m̀lèsè ìndì Yésu Krísto m̀lèsè. Yésu nda dhya dra m̀ndyá títí lídrì ro ìndì dràbhá dre dhi ki tàbvó tàlepi, í dré dra agòrà áyi Opì na dhi 'á dhi 'i.

² Mí kàdré Gíká ni kulí longó m̀ndí i dré, kàdré gba lókyá dóro sè yà, kó ngalè lókyá kònzì sè yà dhi. Mí kàdré m̀ndí ki tàkonzì tadhá àyi dré, adrézó àyi ki lotó, adrézó àyi ki kodzó togó vwàvwà sè ìndì tà tadhálé gyágya dhi i sè.

³ Tàko ko, lókyá adrélépi alìle dhi sè dhi, m̀ndí ki Gíká ni tà tadhálé gyágya dhi ki ga. I ni tà tadhábhá bí dhi ki kimó àyi làgásè, adrélé tà ì dré adrélé lèle ỳlè dhi ki tadhá, ì kòkítswáro àyi ki tàndi ki lovó 'o be dhi bvó.

⁴ I kitswá àyi ki bíbhálé ga tà bàti véna ko. Be ró dhi, ì ni àyíkya àyi ki bíbhálé ga títí tàko i véna.

⁵ Dì, mi ró dhi, mí kàdré mína ámi tà kisùle dhi ki líkí tà títí i sè. Mí kàdré kízá ka'ì nyàle, adrézó Rúbí Tani longó, adrézó àzì Gíká dré bhàle mí drígá dhi ni 'o kitswálé títí.

⁶ Tàko ko, ma ró dhi, má fè áma lídrì wáyi Gíká dré mòbòmà ro dre. Lókyá má dré dra lizo dhi atsá kpà ànyi dre.

⁷ Má bhu mána àdzú dóro, angú ràzo tsàle kùdù ni na dre. Má su áma tà ka'ìka'ì rú.

⁸ Dì nyànomvá dhi, à zù kulá tà gyágya àdhya adrélé áma letè. Dì Mírì dra m̀ndí ki tàbvó tàlepi gyágya dhi ni kulá nda ni afè má dré, kitú tàbvó tàzo dhi tú dhi nì. A kitswá fèá ngbà 'í má dré kalóma ko. A ni kókpà fèá m̀ndyá títí adrèbhá áyi agòma letè lovó sè dhi i dré.

Pólò ni kúlí kùdù

⁹ Mí kò'o tà tíí dhi ì alìzo má vélé mbèlè.

¹⁰ Tàko ko, Démà lè tá ína tà bvò kòndi àdhya ì tò gò, áma tayízó adrélé kalóma, lizo Tèsàlòníkè na. Kùrèsékè lè ína Gàlàtíyà na, ìndì Títò lè ína Dàlàmatíyà na.

¹¹ Tayí ngbà 'í Lúkà kònwa má làga kòdhya. Di mí kàdrì Márokò alìzo akódhi be. Tàko ko, akódhi nda ni kitswá drígá bha má vélé àzí sè.

¹² Má mù Tíkíkò Efésò na.

¹³ Mí dré adrérà'a 'òle alìle dhi 'á dhi, mí kàdó kòtì má dré tayílé Kàrúpò véna Trówà na dhi alìzo ába be. Mí kàlì kpà áma búkù íbe, lavulé dhi, búkù kínì sè dhi ì.

¹⁴ Alìgizándrè adrélépi tóká líyí ro dhi 'o ma kònzi lavulé. Mírì ni tà logó akódhi dré tà dré 'òle dhi ì tí dhi nì.

¹⁵ Mí kòlikí mína mi akódhi sè. Angyá ko, akódhi ligí àma íbe kúlí mà dré adrélé longolé dhi kì tà sè tà tàndi ró.

¹⁶ A dré tá adrérà'a áma tàbvó ta vèsè ni àlo sè dhi 'á dhi, dhya àlo alìlepi áyi totó má làga dhi tá yókódhó. Móndyá tíí dhi ì tayí ma adrélé kalóma. Gíká kòbhà tà nda àyi rú ko!

¹⁷ Di, Mírì totó tá ína ì má làga rìnyí afè má dré áyi kúlí longózó ngádra 'á dhi nì, móndyá tíí sùrú twá ro dhi ì kòyiró be dhi bvó. Di Gíká apá ma kàmì sílèsè nì.

¹⁸ Bati, Mírì ni áma apá tà kònzi tíí 'òle má rú dhi ì lèsè gò, áma 'òzo file líná áyi Opì bhù àdhya léna. Rúku kàdré akódhi dré kóná vèsè kólyá! Kàdré kònìni.

Mòdo kùdù

19 Mí fè mòdo Pírìsíká ì dré Akílà be, ìndì móndyá tíí Onèsífórò nì dzó na dhi íbe.

20 Èrístò gò adrélé Kòrítò na. Má tayí Tròfímò drà ro Mílétò na.

21 Mí 'o tà tíí dhi ì alìzo kònwa lókyá kidhì àdhya kandrà.

Yùbúlò ì fè mòdo mí dré tùmǎní Púdè, Línò, Kàlàwùdíyà, ìndì àma kì adrúpi tíí dhi íbe.

22 Mírì kàdré tùmǎní mí be! Akódhì nì togó tani kàdré àmi íbe tíí!

Logo (Logoti)
Logoti (Logo): BUKU TA TIDHI//RU YIZO DHI ADHYA
New Testament

copyright © 2015 Wycliffe Bible Translators, Inc.

Language: Logo

Contributor: Wycliffe Bible Translators, Inc.

All rights reserved.

2025-05-10

PDF generated using Haiola and XeLaTeX on 10 May 2025 from source
files dated 10 May 2025

942af0a0-42ea-5477-8f1a-fed39823f32b